



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-14560-1-2.7./2025

Datum: 06.08.2025.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH" broj: 39/14, 59/22 i 50/24), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije broj: 6309-1-1/2025 od 05.08.2025. godine, Uprava Društva na 48. sjednici, održanoj dana 06.08.2025. godine, donijela je

O D L U K U

o izboru najpovoljnijeg ponuđača za LOT-1

I

Ugovor za javnu nabavku usluga – Kompletiranje osovinskih sklopova i monoblok točkovi za vučena vozila, za LOT-1: Monoblok točkovi za vučena vozila, za potrebe JP Željeznice Federacije BiH d.o.o. Sarajevo, dodjeljuje se grupi ponuđača: TONELI d.o.o. Litija i METALKA TRADE d.o.o. Sarajevo u ukupnom iznosu od 214.000,00 EURA bez PDV-a, odnosno 250.380,00 EURA sa PDV-om, što iznosi: 418.547,62 KM bez PDV-a, odnosno 489.700,71 KM sa PDV-om.

II

Ugovor se dodjeljuje na osnovu člana 64. stav (1) tačka a) Zakona o javnim nabavkama tj. u skladu sa kriterijem ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-6287-1-2.3./2025 od 11.03.2025. godine odobrila pokretanje otvorenog postupka sa dodatnom objavom na engleskom jeziku za javnu nabavku usluga – Kompletiranje osovinskih sklopova i monoblok točkovi za vučena vozila, podijeljen na dva lota, kako slijedi:

LOT-1: Monoblok točkovi za vučena vozila,

LOT-2: Kompletiranje osovinskih sklopova za vučena vozila, tender broj: UD-6309-1/2025.

Rješenjem VD Predsjednika Uprave - Generalnog direktora broj: 1-6608-1/2025 od 13.03.2025. godine, imenovana je Komisija za nabavke (u daljem tekstu: Komisija) koja je provela postupak javne nabavke u

UIC 50

Bosna i Hercegovina

JP ŽFBiH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

sljedećem sastavu: Mahir Demir – predsjedavajući – službenik za JN, Malik Rizvanović - član, Edin Jusić - član, Amila Sulejmanović – zamjenik člana i Eldar Mašić - član. Za sekretara Komisije imenovana je Edina Karić.

Obavještenje o nabavci je objavljeno na portalu javnih nabavki pod brojem: 1050-1-2-86-3-65/25. Sažetak obavještenja o nabavci objavljen je u „Sl. glasniku BiH“ broj 30, od 23.05.2025. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24) (u daljem tekstu: Zakon), Komisija je dana 01.07.2025. godine u 9:00 sati, izvršila javno otvaranje ponuda uz prisustvo predstavnika ponuđača TONELI d.o.o. Litija – Safet Lučkin. Do roka određenog za prijem ponuda, blagovremeno su zaprimljene 2 (dvije) ponude i to:

Za LOT-1:

1. Ponuda grupe ponuđača **TONELI d.o.o. Litija i METALKA TRADE d.o.o. Sarajevo** koji je ponudio sljedeće:

- Cijena: 214.000,00 EURA bez PDV-a, odnosno 250.380,00 EURA sa PDV-om, što iznosi: 418.547,62 KM bez PDV-a, odnosno 489.700,71 KM sa PDV-om,
- Uslovi i način plaćanja: 90 dana od dana izdavanja računa,
- Rok isporuke: 11 dana od dana narudžbe.

2. Ponuda ponuđača **KEDRA d.o.o. Beograd** koji je ponudio sljedeće:

- Cijena: 184.000,00 EURA bez PDV-a, odnosno 215.280,00 EURA sa PDV-om, što iznosi: 359.872,72 KM bez PDV-a, odnosno 421.051,08 KM sa PDV-om,
- Uslovi i način plaćanja: 60 dana od dana ispostavljanja fakture,
- Rok isporuke: 14 dana od dana ispostavljanja narudžbenice.

Komisija je izvršila pregled i ocjenu pristiglih ponuda, te konstatovala sljedeće:

Ponuda grupe ponuđača **TONELI d.o.o. Litija i METALKA TRADE d.o.o. Sarajevo** za LOT-je ocijenjena kao prihvatljiva na osnovu člana 2. stav (1) tačka l) pod 1) Zakona, jer ponuđač ispunjava sve kriterije za izbor najpovoljnije ponude iz tenderske dokumentacije, te je ponuda u skladu sa tehničkom specifikacijom.

Ponuda ponuđača **KEDRA d.o.o. Beograd** za LOT-1 ocijenjena je kao neprihvatljiva na osnovu člana 2. stav 1) tačka 1) pod 2) Zakona, iz sljedećih razloga:

- Crtež ponuđenog monoblok točka koji je dostavljan u ponudi ne odgovara crtežu koji je tražen tenderskom dokumentacijom. Naime, monoblok točak prema dostavljenom crtežu u ponudi ne odgovara traženom monoblok točku prema crtežu u tenderskoj dokumentaciji iz razloga što se u tenderskoj dokumentaciji tražio monoblok točak sa Kružnom brazdom Ø830mm, a prema crtežu u ponudi KEDRA d.o.o. Beograd je monoblok točak sa Kružnom brazdom Ø840mm.

- U ponudi za LOT-1 nije dostavljena dokumentacija zahtijevana tačkom 13.4. a) tenderske dokumentacije, odnosno Izvještaj ili Potvrda bankovne institucije iz Bosne i Hercegovine ili ekvivalentni dokument koji izdaje institucija zemlje iz koje ponuđač dolazi o svim transakcijskim računima ponuđača i Potvrda najmanje jedne poslovne banke iz Bosne i Hercegovine ili ekvivalentni dokument koji izdaje poslovna banka zemlje iz koje ponuđač dolazi kojom se dokazuje da transakcijski račun ponuđača nije bio blokiran u protekloj godini dana do dana izdavanja potvrde, te da je račun aktivan u momentu izdavanja potvrde. Ponuđač je jedino dostavio Potvrdu o broju dana blokade Narodne banke Srbije od 17.06.2025. godine, kojom dokazuje da nije blokiran u

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

protekloj godini dan, ali Izvještaj ili Potvrdu bankovne institucije zemlje iz koje ponuđač dolazi o svim transakcijskim računima ponuđača ne.

- Tačkom 11.7. tenderske dokumentacije propisano je: U skladu sa članom 45. stav (5) Zakona ugovorni organ može u predmetnom postupku i na period od 12 mjeseci u ostalim postupcima javnih nabavki isključiti iz učešća ponuđača koji se nađe u bilo kojoj od sljedećih situacija: a) ako ima dokaz da je kandidat/ponuđač sklopio sporazum s drugim ponuđačem kojem je cilj narušavanje tržišne konkurencije; b) ako ugovorni organ može dokazati odgovarajućim dokaznim sredstvima da je ponuđač kriv za teški profesionalni propust koji dovodi u pitanje njegov integritet; c) ako se utvrde značajni nedostaci tokom provedbe prethodnog javnog ugovora ili prethodnog ugovora sa sektorskim ugovornim organom čija je posljedica bila prijevremeni raskid tog prethodnog ugovora, naknada štete ili druga slična sankcija; d) ako je ponuđač lažno prikazao činjenice pri dostavljanju podataka potrebnih za provjeru kvalifikacijskih i/ili kriterija za dodjelu ugovora, ako je prikrrio takve informacije ili nije u stanju priložiti popratne dokumente; e) ako se sukob interesa u smislu člana 52. ovog Zakona ne može ukloniti drugim, manje drastičnim mjerama; Ponuđač će dostaviti u predmetnom postupku izjavu na memorandumu ponuđača ovjerenu potpisom i pečatom ponuđača i ovjerenu kod nadležnog organa (notar, organ uprave i dr.) kojom potvrđuje da ponuđač se ne nalazi niti u jednoj od situacija određenih članom 45. Stav (5) tačke a) do e) Zakona a koje su navedene u ovom stavu. Ponuđač je u ponudi dostavio traženu izjavu, međutim ista je nepotpuna jer obuhvata samo situacije propisane članom 45. stav (5) tačke a) do c) Zakona, dok su tačke d) i e) istog člana izostavljene.

- Tačkom 33.6. i 33.7. tenderske dokumentacije propisano je: Ponuđači trebaju uz ponudu dostaviti izjavu na memorandumu ponuđača ovjerenom potpisom i pečatom ponuđača, da će ukoliko budu izabrani ponuđač u postupku broj: UD-6309-1/2025, ugovornom organu dostaviti bezuslovnu bankarsku garanciju za uredno izvršenje ugovora u visini od 10% od vrijednosti dodijeljenog ugovora (bez PDV-a), u valuti u kojoj je dostavljena ponuda. Rok važenja garancije mora biti godinu dana od dana potpisivanja ugovora sto ponuđač potvrđuje i navodi u tekstu izjave zahtijevane tačkom 33.6 tenderske dokumentacije. Ponuđač je u ponudi dostavio traženu izjavu, ali je ista nepotpuna jer ne sadrži uslov propisan tačkom 33.7 tenderske dokumentacije, a to je da rok važenja garancije mora biti godinu dana.

- Tačkom 34.1. tenderske dokumentacije je propisano: Ugovorni organ je predvidio da ponuđači dostave garantni rok, za sve robe koje ponude da isporuče, naveden u ponudi kao „Garancija na isporučene robe“, prema normalnim tehničkim uslovima korištenja i u skladu sa uslovima skladištenja koje dobije od proizvođača, garantni rok će biti iskazan od dana isporuke predmetnih roba. Ponuđači „Garanciju na isporučene robe“ potvrđuju dostavljanjem izjave u ponudi na memorandumu ponuđača ovjerenom potpisom i pečatom ponuđača koja sadržava sledeće elemente:

- Isporuka predmetne robe će biti u skladu sa Ugovorom i narudžbenicom Ugovornog organa, predmetna roba će se isporučiti sa svim oznakama, šiframa i opisima koji se nalaze u tehničkoj specifikaciji, tenderske dokumentacije i narudžbenici;

- Kvalitet isporučene robe biti će prema važećem standardu za predmet nabavke i i prema tehničkoj specifikaciji (minimalno pet (5) godina);

- Garantni rok za predmet nabavke mora biti iskazan od momenta isporuke predmeta nabavke;

- Uz svu isporučenu robu ponuđač je dužan dostaviti garantni rok, te u ponudi ponuđač mora u izjavi na memorandumu ponuđača ovjerenom potpisom i pečatom ponuđača iskazati garantni rok predmeta nabavke koji nudi;

- Ako za vrijeme ovog garantnog roka se ustanovi da isporučena roba nije u skladu sa traženim kvalitetom, roba mora da se povuče iz upotrebe zbog greške u kvalitetu, poduzima se zajednički pregled sa izabranim ponuđačem,

uz sastavljanje zapisnika, dalje se sumnjiva roba prema potrebi provjerava u akreditovanim laboratorijama za te namjene;

- Ugovorni organ se obavezuje da stavi na raspolaganje izabranom ponuđaču, na njegov zahtjev, uzorke sa greškama radi naprijed pomenutog ispitivanja;

- U toku trajanja garantnog roka izabrani ponuđač je dužan u slučaju kada se utvrdi da je isporučena roba sa greškom, otkloniti grešku u obimu, količini i vremenu koje se utvrdi zapisnikom od ovlaštenih predstavnika obje strane;

- Ako u toku zajedničkog pregleda ili gore pomenutog ispitivanja ne može da se postigne saglasnost, pozvaće se ovlaštena stručna lica/institucije, koje obje strane prihvate, da riješe spor. Troškove snosi ona strana čija se odgovornost utvrdi. Ponuđač u ponudi nije dostavio traženu izjavu.

Tačkom 44.1. tenderske dokumentacije je propisano: Na osnovu člana 65. stav (3) Zakona, u ovom postupku nabavke pregovori između ugovornog organa i ponuđača nisu dopušteni. Ponuđač u ponudi potvrđuje izjavom na memorandumu ponuđača ovjerenom potpisom i pečatom ponuđača da je upoznat sa činjenicom da pregovori o ponudi i odredbama ponude između ugovornog organa i ponuđača nisu dopušteni u ovom postupku te da ponuda koja je podnesena od strane ponuđača ugovornom organu jeste i konačna ponuda na osnovu koje se može zaključiti ugovor. Ugovorni organ će kao neprihvatljivu odbiti onu ponudu koja nije u skladu sa ovim stavom. Ponuđač u ponudi nije dostavio traženu izjavu.

Ponuda se odbacuje u skladu sa članom 68. stav 4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Cijeneći navedeno, Komisija je utvrdila da su ispunjeni zakonski uslovi za nastavak postupka nabavke i dodjelu ugovora, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, dala p r e p o r u k u Upravi Društva za donošenje Odluke o izboru najpovoljnijeg ponuđača u postupku za javnu nabavku usluga – Kompletiranje osovinskih sklopova i monoblok točkovi za vučena vozila, za LOT-1: Monoblok točkovi za vučena vozila, tender broj: UD-6309-1/2025 i to grupi ponuđača: TONELI d.o.o. Litija i METALKA TRADE d.o.o. Sarajevo u ukupnom iznosu od 214.000,00 EURA bez PDV-a, odnosno 250.380,00 EURA sa PDV-om, što iznosi: 418.547,62 KM bez PDV-a, odnosno 489.700,71 KM sa PDV-om,

Uprava Društva je prihvatila preporuku Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznički operator,
- Željeznička infrastruktura,
- Sektor plana, analize i raspoređivanja prihoda,
- Sektor za nabavke i prodaju/x2,
- Ponuđač x2
- Uz Zapisnik,
- a/a.

Po ovlaštenju VD Predsjednika Uprave-Generalnog direktora
broj: 1-13851-1/2025 od 22.07.2025.godine



VD Generalnog direktora za poslove željezničke infrastrukture
Dejan Kvesić, M.Arch.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.